

ՀԱՂՈՐԴՈՒԹՄՆԵՐ ԵՎ ՀՐԱՊԵՐԱԿՈՒԹՄՆԵՐ

Ա. Վ. ՏԵՐ-ՂԵՆԳՅԱՆ

ՀԱՅԱՍՏԱՆԻ ՎԱՐՉԱԿԱՆ ԲԱԺԱՆՈՒՄՆԵՐԸ ԸՍՏ ԱՐԱԲ ԱՇԽԱՐՀԱԳԻՐՆԵՐԻ

Աշխարհագրությունն արաբների մոտ սկսեց զարգանալ թի դարից, երբ արաբական մատենագրությունը ընդհանրապես զարթոնքի մի շրջան էր ասլորում: Այս գիտությունն արաբների համար ուներ կրկնակի նշանակություն՝ տեսական և գործնական: Գիտական տեսակետից աշխարհագրությունը մի կողմից հարում էր աստղաբաշխությանը, և միևնույն ժամանակ առատ նյութ էր տալիս պատմության ուսումնասիրման համար: Իսկ գործնական տեսակետից աշխարհագրությունն ուներ նույնիսկ պետական նշանակություն, որպես փոստի վարչությունը առատ նյութ հայթայթող մի գիտություն:

Արաբական աշխարհագրության զարգացմանը նպաստեց հույն նշանավոր աշխարհագիր Պտղեմեոսի (Պտղոմեոս) աշխատությունների արաբերեն թարգմանությունը: Նույնիսկ աշխարհագրություն բառը՝ «ջուղրաֆիա» արաբների մոտ հունական ծագում ունի:

Արաբ աշխարհագիրները թեպետ և փաստական տվյալներով հարուստ են, այնուամենայնիվ հունական աշխարհագրական ու աստղաբաշխական տեսությունների վրա նոր բան չավելացրին, չնայած այն բանին, որ նրանց հաղորդած հարուստ տվյալները կարող էին հիմք հանդիսանալ տեսական հարցերում ավելի առաջ գնալու համար:

Իբն խորդադբեհը արաբների առաջին մատենագիրն է¹, որից մեզ հասել է նկարագրական տիպի աշխարհագրական մի երկ: Նրա ամբողջական անունն է Աբու-լ-կասիմ Ուբայդ Ալլահ իբն Աբդ Ալլահ իբն խորդադբեհ: Ծնվել է խորասանում մոտավորապես 820 թ. ծագումով պարսիկ էր և զրադաշտականի թոռ: Հայրը եղել է թաբարիստանի կառավարիչ և իր որդուն տվել է փայլուն դաստիարակություն:

Իբն խորդադբեհի կենսագրությունից² բիշ բան է հայտնի: Գիտենք միայն, որ թի դարի կեսերին նա արդեն Աբբասյան արքունիքին մոտիկ անձնավորություն էր, իսկ սրանից որոշ ժամանակ հետո Ջիբալ (Իրաքի և Իրանի միջև) նահանգի փոստային վարչության պետը: Այս պաշտոնը պահանջում էր աշխարհագրական լայն գիտելիքներ, և միևնույն ժամանակ այսպիսի պաշտոն վարողը պետք է խալիֆային նվիրված անձնավորություն լիներ, որովհետև խալիֆայության մեջ փոստի վարչությունը արքունիքի համար լրտեսության դեր էր կատարում:

Ալ-Մուտամիդ խալիֆայի (870—892) օրոք իբն խորդադբեհն արդեն ար-

¹ Տե՛ս И. Ю. Крачковский, Избранные сочинения, М. Л., 1957, IV, 15—36.

² G. Brockelmann, Geschichte der Arabischen Litteratur, I, 1898, 225—226.

³ Крачковский, Избранные, IV, 147—150.

քունիքում էր՝ որպես խալիֆային մոտիկ անձնավորություն, և այստեղ էլ ավարտում է իր աշխարհագրությունը: Ըստ ժեզարի մատենագիր Հաջի խալիֆայի տեղեկության, նա մահացել է 912-ին⁴:

Իրն խորհարկելով գրել է շատ աշխատություններ՝ դրական, պատմական և այլ նյութերի շուրջը, սակայն մեզ հասել է միայն նրա աշխարհագրությունը՝ երեք գրչագրերի մեջ: Առաջին Երկուսի (Կ. Պոլսի և Օքսֆորդի) հիման վրա կատարվեց առաջին հրատարակությունը՝ Հետազայում, նգիստոսում հայտնաբերված մի ձեռագրի հիման վրա, հոլանդացի հայտնի արաբագետ դե Գույենն այն լույս ընծայեց իր արաբ աշխարհագիրների հայտնի մատենաշարի մեջ, բնագրով և ֆրանսերեն թարգմանությամբ:

Իրն խորհարկելով աշխարհագրությունը Մերձավոր Արևելքի, Հյուսիսային Աֆրիկայի, Միջին Ասիայի և Կովկասի պատմության ու աշխարհագրության համար մի կարևոր աղբյուր է: Այս աշխատության արժեքը նրանումն է, որ հեղինակը ոչ միայն եղել է իրազեկ մատենագիր, այլև լինելով արքունիքին մոտիկ անձնավորություն, հնարավորություն է ունեցել օգտագործել արքունի դիվանի բազմաթիվ փաստաթղթեր:

Նրա «Թիտար ալ-մասալիք ու ալ-մամալիք» (գիրք ճանապարհների և թագավորությունների) աշխատությունը, ըստ սովորության սկսում է երկրի ձևի մասին ընդհանուր նկարագրությամբ: Հետաքրքրական են նրա տեղեկությունները խալիֆայության վարչական բաժանումների և մանավանդ հարկերի մասին: Նրա տվյալներով, հնարավոր է վերականգնել խալիֆայության հարկերի քանակը և ընդհանրապես ցույց տալ նրա տնտեսական վիճակը, մի բան, որն իրոք հաջողվել է արաբագետ Ա. Կրեմերին⁷: Աշխատության այս մասը վերջանում է Պարսկաստանի հնագույն շրջանի թագավորների մասին տեղեկություններով, որոնք քաղված են պարսկական աղբյուրներից: Հիշվում է նաև հին թագավորների կրած տիտղոսները և ի շարս այլոց, նաև Հայաստանի թագավորների տիտղոսը:

Նրա աշխատության մեջ կարևոր տեղ է գրավում ճանապարհների նկարագրությունը, որոնց կենտրոնում ընկած է Բաղդադը: Գրքում նկարագրվում են ճանապարհները Բաղդադից դեպի Միջին Ասիա և կամ դեպի Հնդկաստան: Միաժամանակ տեղեկություններ են տրվում վարչական բաժանումների և այլնի մասին:

Իրն խորհարկելով աշխարհագրության գիտական հրատարակության առթիվ դե Գույենն այն միտքն է հայտնել, թե այս գրվածքը ունեցել է երկու խմբագրություն՝ ընդարձակ և համառոտ: Ըստ նրան, սրանցից առաջինը գրված է մոտավորապես 846—847 թթ., իսկ երկրորդն ավելի մանրամասն է և շարադրված է մոտավորապես 885—886 թթ.: Նա կարծում է, որ այս երկու խմբագրություններն էլ կորած են և այն, ինչ ինքը հրատարակել է, ընդարձակ խմբ-

⁴ Lexicon Bibliographicum... Haji Khalifa, ed. G. Flügel, II, էջ 101.

⁵ Le livre des routes et des provinces par Ibn Khordadbeh. Publie traduit et annoté par C. Barbier de Meynard. Journ. As., ser. VI t. V. № 17, Paris, 1865.

⁶ Bibliotheca Geographorum Arabicorum. Edidit M. J. de Goeje. Pars sexta, Kitab al-masalik w al-mamalik auctore Abu'l-Kasim Obaidallah ibn Khordadbeh, Lugduni Batavorum, 1889 (այսուհետև BGA).

⁷ A. Kremer, Culturgeschichte des Orients unter den Chalifen I, Wien, 1875, 268—269.

բազրույթյան համառոտումն է⁸։ Այս կարծիքը արարագիտության մեջ⁹, երկար ժամանակ անվիճելի է համարվել, սակայն վերջերս արարագետ Պ. Բուլգակովը այն միտքը հայտնեց, որ երկու խմբագրություններն էլ Թ՝ դարի 80-ական թվականներից են, և որ դե ՚հույնի հրատարակածը հենց ընդարձակ խմբագրությունն է¹⁰։

Արժեքավոր են Բրն խորագրեհի տեղեկությունները Հայաստանի մասին, մանավանդ որ դրանք արար աշխարհագրության հնագույն տեղեկություններն են Հայաստանի վերաբերյալ և ուսումնասիրողները հաճախ են օգտագործել նրա հաղորդած տեղեկությունները¹¹։

Սասանյան Արտաշիր արքային ենթակա թագավորների ցանկում, որն անկասկած քաղել է պարսկական մի աղբյուրից, նա հիշում է նաև «թագավոր Մեծ Հայքի» (ܡܠܟܐ ܕܗܝܬܐ ܕܗܝܬܐ) ¹² տիտղոսը։ Սա լրիվ համապատասխանում է թե հայ, թե հույն աղբյուրներից մեզ հասած տեղեկություններին։ Ե դարի հայ պատմիչների երկերում և առաջին հերթին Ագաթանգեղոսի Պատմության մեջ այս տիտղոսը նույն ձևով հաղորդվում է «Արքայ Հայոց Մեծաց»¹³։ Արշակունի թագավորների այս պաշտոնական անունը նույն ձևով գտնում ենք նաև հունական պատմական աղբյուրների և արձանագրությունների մեջ՝ որպես βασιλεὺς τῆς μεγαλῆς Ἀρμενίας։

Այստեղ հետաքրքրական է նաև «Մեծ Հայք» տեղանվան հիշատակումը, որովհետև արար մատենագիրները այդ մասին բոլորովին տեղյակ չեն։ Եվ պատահական չէ, որ Բրն խորագրեհը հիշում է Մեծ Հայքի պարսկական (պահլավական) ձևը, որը մի անգամ ևս վկայում է այս տեղեկության պարսկական հին աղբյուրներից քաղված լինելու մասին։ Արաբական աղբյուրները Մեծ Հայքի փոխարեն օգտագործում էին պարզապես Արմինիա¹⁴ անունը, իսկ բյուզանդական Հայաստանը, որն այլ նահանգների հետ ընդգրկում էր նաև Փոքր Հայքը, նրանք կոչում էին Հայոց երկիր (ܗܝܬܐ ܕܗܝܬܐ)։ Ծիշտ է ուշ շրջանում (ԺՎ դ.) Յակուտ աշխարհագրի բառարանում հանդիպում ենք Մեծ Հայաստան (ܐܪܡܝܢܝܐ ܕܗܝܬܐ ܕܗܝܬܐ) և Փոքր Հայաստան (ܐܪܡܝܢܝܐ ܕܗܝܬܐ ܕܗܝܬܐ) անուններին¹⁵, սակայն այստեղ առաջինը նշանակում է խլիթի թագավորությունը՝ Շահի արմենների իշխանությունը Հարավային Հայաստանում, իսկ երկրորդը՝ Հյուսիսային Հայաստանն է, որը Յակուտի մոտ հիշվում է որպես Թիֆլիսի երկիր։ Սա հիշեցնում է Ժ դարի աշխարհագիր Բրն Հաուկալի մոտ հիշատակված ներքին և

⁸ BGA, VI, էջ XV—XX.

⁹ Hudud al-Alam, the regions of the world, London, 1937, Barthold's preface, էջ 12—13.

Крачковский, Избранные, IV, 148.

¹⁰ П. Г. Булгakov, «Книга путей и государств» Ибн Хордадбега (к изучению и датировке редакций), Палест. Сб, 3 (66) 1958, էջ 127—136.

¹¹ Н. А. Караулов, Сведения арабских писателей о Кавказе, Армении и Азербайджане, СМОМПК, XXXII, էջ 1—21.

¹² BGA, IV, 17.

¹³ Ագաթանգեղոսի Պատմության Հայոց, 1909, էջ 17, 47, 126 և այլն։

¹⁴ М. Ростовцев, Апаранская надпись царя Тиридата, Анийская серия, 6, СПб, 1911, էջ 15—17.

К. В. Тревер, Очерки по истории культуры древней Армении, М. Л., 1953, էջ 237—238, 271—283.

¹⁵ M. Ghazarian, Armenien unter der arabischen Herrschaft, Marburg, 1903, էջ 69—70.

¹⁶ Jacut's Geographisches Wörterbuch, Leipzig, 1924, I, էջ 220.

արտաքին Հայաստանները (الدخلة والخارجة)¹⁷, որոնցից առաջինը Բագրատունյաց անմիջական իշխանության տակ գտնվող Հյուսիսային Հայաստանն էր, իսկ մյուսը՝ Բագրատունյաց թագավորության հետ թուլորեն կապված Հարավային նահանգներն էին (Վասպուրական, Տարոն, Մանազկերտի ամիրայություն և այլն):

Բյուզանդական թեմերի շարքում Իբն Խորդադրեհը մեջ է բերում նաև Արմենիակոն թեմը՝ նա հիշում է «ալ-Արմանիակ թեմը» (الارمنياك), որի բերդերից են Կուլունիա և տասն և վեց բերդեր, Խալդիայի թեմը, որի սահմանն է Արմինիան, Սրա մեջ կան վեց բերդեր»¹⁸, Այստեղ Կողոնիան (Կուլունիա) հիշվում է որպես Արմենիակոնի մի մասը, իսկ Խալդիքը իրոք որ Տայքի կողմից սահմանակից էր Հայաստանին:

Հետաքրքրական է «Ջարբիի» մասին նրա տեղեկությունը՝ Խոսեկով Պարսկաստանի մասին, նա գրում է. «Իսկ ալ-Ջարբին Հյուսիսային երկիրը՝ պետության (իմա՝ Իրանի—Ա. Տ. Ղ.) քառորդն է և հյուսիսի Իսթահազը պարսիկների [մոտ ընդունված] ձևով կոչվում էր Աղարբադգան Իսթահազը: Այս երկրամասում են Արմինիան Աղարբայջանը...»¹⁹,

Ակներև է, որ այս տեղեկությունը ևս քաղված է պարսկական աղբյուրից, որովհետև այդ մասին են վկայում անունների պարսկական ձևերը, ինչպես օրինակ՝ Աղարբադգան (اگر بادگان) տեղանունը, փոխանակ արաբների մոտ ընդունված Աղարբայջանի:

Ի՞նչ է նշանակում Ջարբի Սա ասորերեն բառ է, որը նշանակում է հյուսիս²⁰, Խոսքը այստեղ վերաբերում է Սասանյան կայսրության հյուսիսային քուստակին: Չ դարում սասանյան Խոսրով Ա Անուշիրվանը (521—578) կայսրությունը ռազմավարական բարեփոխությունների ենթարկեց²¹, բաժանելով չորս մասի²², Դրան համապատասխան ընդհանուր Երան սպահապետի (Իրանի սպարապետի) փոխարեն նշանակեց չորս սպահապետների: Այս չորս մասերից հյուսիսայինի մեջ մտնում էին Ատրպատականը և Հայաստանը, որի հետ էին նաև Վիրքն ու Աղվանքը: Է դարի հայկական Աշխարհացույցը այս չորս մասերից ամեն մեկը կոչում է քուստ (քուստի), ընդ որում հյուսիսայինը կոչվում է քուստի կապկոհ (Կովկասի երկիր): Աշխարհացույցի ընդարձակ խմբագրության մեջ այսպես է նկարագրված²³ «Քուստի Կապկոհ որ է կողմն կակասուլերանց յորում են աշխարհ երերտասան. Ատրպատական, Արմն (որ է) Հայք, Վարչան՝ որ է Վիրք, Ռան՝ որ է Աղուանք, Բալասական, Սիսական...»:

Արաբական խալիֆայության օրոք Ատրպատականը և Արմինիան իրար միացնելու այս սովորությունը շարունակվեց և հաճախ այս երկու երկրները միացվում էին մի ոստիկանի իշխանության տակ²⁴, Ժ դարի արաբ աշխարհա-

¹⁷ Opus geographicum auctore Ibn Haukal, Lugduni Batavorum, 1938, էջ 343:

¹⁸ BGA, VII, 108.

¹⁹ Անդ, VI, 118.

²⁰ Lexicon Syriacum, Berlin, 1895, էջ 61:

²¹ Н. Адонц, Армения в эпоху Юстиниана, СПб, 1908, էջ 214—215:

²² Th. Nöldeke, Geschichte der Perser und Araber zur Zeit der Sassaniden, aus der arabischen Chronik des Tabari, Leiden, 1879, էջ 155:

²³ Աշխարհացույց, Վենետիկ, 1881, էջ 40. J. Markwart, Eranshahr, Berlin, 1901, էջ 9—10:

²⁴ Ա. Տեր-Ղևոնդյան, Քուստի կապկոհ վարչական միավորի վերապրուկները խալիֆայության ժամանակ, Տեղեկագիր, 1956, № 9:

գիր ալ-Մուկադդասին հատուկ անվամբ տարբերում է այս երկրամասը՝ «ընդարձակ հովիտների երկիր» (إقليم الرحاب)²⁵, իսկ ԺԳ դարի մատենագիր Յակուտ ալ-Համաուին իր Աշխարհագրական բառարանի մեջ հիշում է այս անվանումը (առ-Ռիհաբ)²⁶ արդեն որպես տեղանուն, որի տակ գրում է. «Դա մի երկիր է Աղարբայջանում ու Դարբանդում և Արմինիայի մեծամասնությունը մտնում է այս անվան տակ»:

Ըստ արաբ աշխարհագիրների, այդ թվում և Իբն Խորդադբեհի, աշխարհը բաժանվում է չորս մասերի՝ Եվրոպա (Ուրուֆա), Աֆրիկա (Լուբիա), Հարավային և Արևելյան Ասիա (Ատիուֆիա) և Սկյութիա (Ասկուտիա՝ միջին և հյուսիսային Ասիա): Ահա այս վերջինիս մեջ են Արմինիան²⁷, Խորասանը, Խազարները և այլն: Մեծ Հայքի գետերից հիշվում են Եփրատը (ալ-Ֆուրատ) իր Արածանի (Արսանաս) վտակով, Տիգրիսը (Դիջլա) և Արաքսը (առ-Ռաս), որի մասին ասում է. «Առ-Ռասի՝ Արմինիայի գետի սկիզբը Կալիկալայից է, անցնում է Առանով, նրա մեջ է թափվում Առանի գետը, ապա անցնում է Ուարսանով (Վարդանակերտ)...»²⁸:

Որպես փոստի վարչության պաշտոնյա, իբն Խորդադբեհի տալիս է առևտրական բազմաթիվ ճանապարհների նկարագրությունը: Անդրկովկասում որպես երկու խոշոր կենտրոններ, նա հիշատակում է Պարտավն ու Դվինը: Այսպես, նա հիշում է ճանապարհը Պարտավից (Բարդաա) Թբիլիսի (Թիֆլիս), Պարտավից Դերբենտ (ալ-Բաբ ու ալ-Աբուաբ), Պարտավից Դվին (Դարիլ), ինչպես նաև Մարանդից Նախճավան (Նաշաուա) և ապա Դվին²⁹: Հայաստանի ճանապարհների մասին ավելի մանրամասն խոսում են Ժ դարի արաբ աշխարհագիրներ ալ-Խաթաբին, իբն Հաուկալը և ալ-Մուկադդասին, որոնք թվում են Բագրատունյաց թագավորության օրոք Հայաստանում գոյություն ունեցող բոլոր կարևոր ճանապարհները: Սակայն իբն Խորդադբեհի հաղորդած տվյալների նշանակությունը նրանումն է, որ դրանք վերաբերում են հենց արաբական տիրապետության շրջանի Հայաստանին: Այստեղ նա հիշում է նաև Աղվանքից ու Ատրպատականից եկող և Արուրսի հովտով ու Կարնո քաղաքի (Կալի կալա) վրայով Տրապիզոն գնացող ճանապարհը: Հետագայում, Բագրատունյաց թագավորության ժամանակ, այս մայրուղին մի քիչ թեքվեց դեպի հյուսիս, անցնելով Անիի վրայով, որն իրեն էր ձգում առևտրական քաղաքները³⁰:

Ճանապարհների երկարությունը չափելու համար Իբն Խորդադբեհի միավորները օրվա ճանապարհն է (المد) և փարսախի: Առաջինը կործմում է, որ հավասար է 5—7 փարսախի, այսինքն 30—40 կիլոմետրի³¹:

Արաբական տիրապետության տակ Հայաստանը Վիրքի և Աղվանքի հետ միասին մտնում էր մի վարչական միավորի մեջ, որը Հայաստանի անվամբ կոչվում էր «Արմինիա»: Արմինիայի մայրաքաղաքն էր նախ միայն Դվինը և ապա Է՝ դարի վերջից՝ Պարտավն ու Դվինը միասին: Պարտավի կողքին Դվինը

²⁵ BGA, III, 373.

²⁶ Jacut, II, 758.

²⁷ BGA, VI, 155.

²⁸ Անդ, 174.

²⁹ Անդ, 122.

³⁰ Я. М а н а н д я н, О торговле и городах Армении, Ереван, 1954, էջ 233:

³¹ СМОМІК, XIX, стр. 59, прим. 21.

երբեք չվերածվեց Արմինիայի ոստիկանի որևէ տեղական ներկայացուցչի նստավայրի, ինչպիսին էր Թրիփսին: Ընդհատ է, Արմինիայի ոստիկանները թողարում նստում էին ղլխավորապես Պարտավում, բայց նրա հետ մեկտեղ Դվինը նույնպես ոստիկանի նստավայր լինելուց չէր դադարել³²:

Արմինիան, ըստ արարների, շորս մասի էր բաժանվում, որոնք սոսկ հաջորդականությամբ կոչվում էին՝ Կոնաջին, Երկրորդ, Երրորդ և չորրորդ³³: Իրնեորդադրեհը հետևյալ կերպ է նկարագրում. «Առաջին Արմինիան է աս-Միսաջանը, Առանը, Թիֆլիսը, Բարդասն, ալ-Բայլականը, Կարալան և Շիրուանը»:

Երկրորդ Արմինիան է Ջուրջանը, Սուղդարիլը, Բար ֆիրուզ Կուրադը և ալ-Լաբդը:

Երրորդ Արմինիան է ալ-Բուսֆուրրաջանը, Դարիլը, Սիրաջթայը, Բադրաուանդը և Նաշաուան:

Չորրորդ Արմինիան է Շիմշաթը, Խիլաթը, Կալիկալան, Արջիշը և Բաջու-նայսը»³⁴:

Առաջին Արմինիան արար աշխարհագիրների մոտ իր մեջ ընդգրկում է ամբողջ Աղվանքը կամ Առանը, որի կարևորագույն քաղաքը Պարտավն էր: Բացի սրանից, այստեղ հիշվում է նաև նրա հնադույն մայրաքաղաքը Կապադակը (Կարալա), Փայտակարանը (ալ-Բայլական) և Շիրվանի նահանգը: Թրիփսին (Թիֆլիս) հիշատակումն այս մասում լուրջ թյուրիմացություն է, որովհետև այն արար մատենագիրների մոտ սովորաբար նշվում է որպես Երկրորդ Արմինիայի, այսինքն՝ Քարթլիի մայրաքաղաքը:

Աղվանքի մասին արար մատենագիրները հաճախ են խոսում, տալով հետաքրքրական տեղեկություններ: Ըստ նրանց, ոչ միայն ³⁵, այլև ժ դարերում աղվանները դեռ կենդանի լեզու էին, որովհետև ժողովրդի հիմնական զանգվածը հավանաբար դեռ քրիստոնյա էր: Այլոնքը (աս-Միսաջան) առաջին Արմինիայի մեջ էր մտնում այն պատճառով, որ, ինչպես հայտնի է, Չ դարի վերջում նրա իշխանները բաժանվել էին Հայաստան մարզապետությունից³⁶, իսկ աբարները Արմինիայի այս չորս մասերի բաժանումը կատարել էին, մեծ մասամբ, ըստ նախկինում գոյություն ունեցող դրությունների:

Արևելյան Վրաստանը կամ Քարթլին կազմում էր Երկրորդ Արմինիան, որն արարների մոտ կոչվում էր Ջուրջան: Արարական տիրապետության ընթացքում Արմինիա ոստիկանության մեջ միայն արևելյան Վրաստանն էր մտնում, իսկ Արևմտյանը գտնվում էր բյուզանդական տիրապետության տակ: Ընդհատ է, այս մասը ենթարկվում էր արարական արշավանքներին, բայց նա Երևելք չմտավ Արմինիայի կազմի մեջ:

Ահա հենց Երկրորդ Արմինիայում է, որ Իրնեորդադրեհը պետք է հիշեր Թրիփսին: Հետաքրքրական է, որ Քարթլիի հետ միասին Երկրորդ Արմինիա-

³² J. Laurent, L'Arménie entre Byzance et l'Islam, Paris 1919, էջ 178: A. Ter-Гевондян. К вопросу о возникновении двинского эмирата в Армении, Иссл. по ист. культ. нар. вост., Сборник в честь Н. А. Орбели, М. Л., 1960, էջ 134:

³³ M. Ghazarian, Armenien..., 69—70.

³⁴ BGA, VI, 122.

³⁵ Opus Geographicum... 349.

³⁶ Адонн, Армения, 218—220.

յում հիշվում են նաև Կուլկասյան լեռնային շրջանները, ինչպես, օրինակ՝ լեզ-
գիների երկիրը (ալ-լաբլ) Դադաստանի հարավում:

Մեծ Հայքը ընդգրկված էր հիմնականում երրորդ և չորրորդ Արմինիանների
մեջ, երրորդում արևելյան և հյուսիսային նահանգներն էին, իսկ չորրորդում՝
արևմտյան և հարավ-արևմտյան նահանգները: Արաբների ժամանակ անմի-
ջական պահանջ չկար Մեծ Հայքը նման մասերի բաժանելու: Ճիշտ է ն— է
դարերում գոյություն ունեցող երկու բաժանումները՝ Պարսկահայաստան և
Բյուզանդական Հայաստան, կարող էին արաբներին անցնել որպես վարչա-
կան բաժանման վերապրուկ՝ երրորդ Արմինիա և չորրորդ Արմինիա անունների
տակ, սակայն վերջիններս վարչական խիստ բաժանումներ չէին: Օրինակ,
չորրորդ Արմինիան կարող էր արաբների համար միայն ռազմական նշանա-
կություն ունենալ այն տեսակետից, որ նա ընդգրկում էր գլխավորապես այն
բաղաժներն ու գավառները, որոնք Բյուզանդիայի հետ մղվող պայքարում³⁷
ռազմական նշանակություն ունեին և որոնց տարբեր մասերում տեղավորված
էր արաբ տարրը: Դրանք էին Աղմուշատը (Շիմշաթ), Խլաթը (Խիլաթ), Կարնու
բաղաժը (Կալի կալու), Արճեշը (Արջիշ) և Ապահունիսը (Բաջունայս): Սրանք
Հայաստանի այն մասերն էին, որտեղ հետագայում բազրատունյաց թագավո-
րության ժամանակ իրապետ արաբական մանր ամիրայություններ³⁸: Պետք է
նշել, որ Բաջունայս տեղանունը բանասիրության մեջ որոշ թյուրիմացություն
տեղիք է տվել, օրինակ, Մ. Ղալարյանը այն նույնացնում էր այլևայլ տեղա-
նունների հետ³⁹, բայց ավելի հավանական է այն կարծիքը⁴⁰, որ դա պարզա-
պես Ապահունիսն է: Բաջունայսը պետք է կարդալ առանց արաբական ջ-ի
կետի, այսինքն Բահունայս (بھونایس) կամ Բահունիս (/Ապահունիս), որ-
տեղ սկզբի ա-ն ընկել է և այսպես էլ տարածվել է ամբողջ արաբական մա-
տենագրության մեջ: Պետք չէ մոռանալ, որ հենց Ապահունիսում էր տեղա-
վորված Մանազկերտը՝ կայսրների քաղաքը և պարզ է, որ Բ դարի արաբ մա-
տենագիրները պետք է հաճախ խոսեին նրա մասին:

Մեծ Հայքի մնացած մասերը գտնվում էին երրորդ Արմինիայում: Դրանք
էին Վասպուրականը (ալ-Բուսֆուրրաջան), Բագրևանդը (Բադրաուանդ) Շի-
րակը (Սիրաջ), Տայքը (Թայք) և Նախճավանը (սոն-Նաշաուա): Վասպուրականի
գավառներից առանձին հիշվում է Աղրակը (ալ-Բակ)⁴¹: Այստեղ որոշ չափով
առեղծվածային էին Շիրակի և Տայքի անունները, որոնք ենթադրաբար են վեր-
ծանվում: Արաբ մատենագիրներն ընդհանրապես դրանք միասին են գրում
(Սիրաջթայք), որը երկու մասի բաժանելով է, որ հնարավոր է լինում տար-
բերել Շիրակն ու Տայքը: Այս երկուսի միասին հիշատակելը հավանաբար հե-
տևանք էր այն բանին, որ դրանք Բագրատունիների կալվածներն էին և եր-
կուսն էլ գտնվում էին հյուսիսում: Սակայն պետք է նշել, որ կան եղակի դեպ-
քեր, երբ Շիրակն առանձին է հիշվում, ինչպես, օրինակ, Բ դարի վերջին և Ժ

³⁷ A. Vasiliev, Byzance et les Arabes, I. La dynastie d'Amorium, Bruxelles, 1935 (reimprimé en 1959), էջ 89—121:

³⁸ M. Canard, Histoire de la dynastie des Hamdanides, Alger, 1955, էջ 477, J. Marquart, Südarmenien und die Tigrisquellen, Wien, 1930, էջ 501—508:

³⁹ M. Ghazarian, Armenien, 74—75.

⁴⁰ V. Minorsky, Abu Dulaf, Cairo, 1955, էջ 77:

⁴¹ BGA, VI, 122.

դարի սկզբի աշխարհագիր Իրն Ռուստեի մոտ, երբ Հայաստանի դավառների մեջ հիշվում է միայն վերջինս Սիրաջ ձևով⁴²։ Ակներև է, որ այստեղ արարական շին (ܩܠܬܐ) տառի երեք կետերը մոռացվել են, իսկ տառավերջի կ-ի փոխարենն արարական ջ-ի առկայությունը արդյունք է այն բանի, որ արարերենը գ կամ կ չունի, իսկ բացի սրանից չ տառը արաբերենում ճիշտ որ ներկայացնում է ջ հնչյունը, բայց նա հաճախ է փոխարինում նաև գ հնչյունին (օր. Գազիկ > ܩܠܬܐ > ջաջիկ)⁴³։

Հետաքրքրական է ընդգծել, որ Արմինիայի չորս բաժանումների մասին խոսում են հիմնականում Թ դարի (Բալալուրի)⁴⁴ կամ Ժ դարի հենց սկզբի (Իրն ալ-Ֆակիհ)⁴⁵ արար մատենագիրները, իսկ բուն Ժ դարի մատենագիրները (Իսթախրի, Իրն Հաուկալ, Մուկադդասի), որոնք ժամանակակից են Բագրատունիներին, արդեն այդ մասին չեն խոսում, որովհետև այդպիսի բաժանում, թեկուզ և ձևականորեն, այլևս չէր կարող գոյություն ունենալ։

Արար մատենագիրների մոտ հատուկ ուշադրության էր արժանացել սասանյան Կավատ Ա-ի և հոսրով Ա Անուշիրվանի Աղվանքում ու Կովկասում ռազմա-շինարարական գործունեությունը, որպես խաղարների դեմ պայքարի միջոցառում։ «Կուրադը,—սասում է Իրն հորդադրենհը,—կառուցեց ալ-Բալալական, Բարդաա և Կարալա քաղաքները և շինեց աղյուսե պարիսպը, իսկ Անուշիրվանը կառուցեց ալ-Շարուրան, Քարբարա և ալ-Բար ու ալ-Արուար քաղաքները. [վերջինս բաղկացած] է սարի լանջի վրա ամրոցներից. դրանք երեք հարյուր վաթսույն ամրոցներ են»⁴⁶։

Դերերենտի, այսինքն Ճորա Պահակի (ալ-Բար ու ալ-Արուար՝ դոներ կամ դարպասներ) ամրացումը Անուշիրվանի կողմից մանրամասնորեն հիշատակվում է բազմաթիվ արար մատենագիրների կողմից, որովհետև խաղարների դեմ պայքարի նյութը արարների ժամանակ էլ իր այժմեությունը չէր կորցրել⁴⁷։

Ձ—է դարերում խաղարները⁴⁸ ոչ միայն արշավում էին Աղվանք, ինչպես նաև Վրաստան ու Հայաստան, այլև որոշ մասեր (մանավանդ Աղվանքը) ժամանակավորապես ենթարկել էին իրենց իշխանությանը։ Իրն հորդադրենհը հեռույալ կերպ է նկարագրում այս վիճակը. «Եվ Առան, Ջուրդան ու աս-Սիսադան նահանգները խաղարների թագավորության մեջ էին, իսկ Բարիլ, Նաշաուա, Սիրաջ, Բադրաուանդ, Խիլաթ, Բաջունայս նահանգները առ-Ռումի թագավորության մեջ էին և այն նվաճեցին պարսիկները մինչև Շիրվանի հողը»⁴⁹։

Արար աշխարհագիրների մոտ շատ արժեքավոր է այն, որ նրանք հաճախ տալիս են խալիֆայության այլևայլ նահանգների հարկերի քանակը։ Ըստ Իրն հորդադրենհի Արմինիայի հարկերի քանակը 4 միլիոն դիրնեմ (արծաթ դրամ) էր⁵⁰։ Եթե վերցնենք ըստ Արմինիայի երեք բաղկացուցիչ մասերի տարածու-

⁴² BGA, VII, 106.

⁴³ Ibn Miskawayhi (The Eclipse of the Abbasside Caliphate, 1920) II, 150.

⁴⁴ Liber expugnationis regionum, auctore al Beladsort, Lugd. Bat. 1866. էջ 19 — 94։

⁴⁵ BGA, V, 287.

⁴⁶ BGA, VI, 122.

⁴⁷ Jacot, I, 437—442.

⁴⁸ SL'w J. H. Kramers, Les Khazars, Analecta Orientalia, I, Leiden, 1954.

⁴⁹ BGA, VI, 122.

⁵⁰ Անդ, 124։

թյան, ասլա պետք է ասել, որ այս գումարի մեծամասնությունը պետք էր լիներ Հայաստանի հարկը, որովհետև Աղվանքն իր տարածությունը Ռեծ Հայքից շատ ավելի փոքր էր, իսկ Վրաստանի միայն արևելյան մասն էր Արմինիայի կազմում:

Այս գումարը Արմինիայի սովորական ժամանակներում վճարած հարկն էր և պետք է նշել, որ որոշ խալիֆաների օրոք հարկերի քանակը կրկնապատկվում և եռապատկվում էր: Օրինակ, ըստ Իբն Խալկոնի⁵¹, Արմինիայի հարկերի գումարը (հավանաբար Ը դարի երկրորդ կեսում) 13 միլիոն դիրհեմ էր: Սա իհարկե բացառիկ դեպք է և պետք է նշել, որ ընդհանրապես արաբական տիրապետության ժամանակ հարկերի քանակը 4 միլիոնի սահմաններում է եղել⁵²:

Իբն Խորդադրեհի տեղեկությունները Հայաստանի մասին թեպետ և հակիրճ են, այսուամենայնիվ արտացոլում են Հայաստանում արաբական տիրապետության ժամանակաշրջանը: Այս տեսակետից մեզ հասած արաբ աշխարհագիրների աշխատությունների մեջ, որոնք խոսում են Հայաստանի մասին, նրա աշխարհագրական երկրամենահինն է: Նրանից օգտվել են շատ աշխարհագիրներ, ինչպես, օրինակ, Իբն ալ-Ֆակիհ (Թ—Ժ դդ.), Մուկադդասին (Ժ դ.) Ժորիսին (ԺԲ դ.) և Յակուտը (ԺԳ դ.):

Իբն Խորդադրեհի անվան հետ կապված են Թ դարի երկրորդ կեսի (և Ժ դարի հենց սկզբի) արաբ մի շարք մատենագիրների երկերը, որոնք նկարագրում են գլխավորապես արաբական տիրապետության շրջանի Հայաստանը: Դրանք են աշխարհագիրներ՝ Իբն ալ-Ֆակիհը, Իբն Ռուստեն և Կուդամա իբն-Ջաֆարը և պատմիչներ՝ Բալազուրին ու Յակուբին: Վերջիններս մեծ չափով կապված են աշխարհագրության հետ այն տեսակետից, որ նրանցից առաջինը իր «Գիրք երկրների նվաճման» պատմական երկի մեջ տալիս է հետաքրքրական աշխարհագրական տեղեկություններ, իսկ Յակուբին բացի իր պատմությունից, ունի նաև աշխարհագրական մի երկ «Երկրների գիրք» (Քիթաբ ալ-Բուլդան) կոչված:

Սրանք բոլորն այս կամ այն չափով ժամանակակից են եղել Հայաստանում արաբական տիրապետության շրջանին և ոմանք (ինչպես Յակուբին) նույնիսկ անձամբ եղել են Հայաստանում⁵³ և մոտիկից հետաքրքրվել նրա վիճակով: Առանձնապես հիշատակության արժանի է Իբն-ալ-Ֆակիհը, որն օգտագործել է Բալազուրիի պատմական տվյալները, ինչպես նաև Իբն Խորդադրեհի տեղեկությունները իր աշխարհագրական երկի մեջ, որը գրել է մոտավորապես 903 թ.: Իբն ալ-Ֆակիհը նույնպես նկարագրում է Հայաստանը որպես Արմինիա ոստիկանության մի մասը՝ ստալով վերջինիս շորս բաժանումները⁵⁴, որոնք համընկնում են թե Բալազուրիի և թե Իբն Խորդադրեհի բաժանումներին: Բալազուրիի նման սա էլ հիշում է Կարնո քաղաքի հիմնադրման մասին այն առասպելը, թե այն կառուցել է բյուզանդական Հայաստանի կառավարչի դուստրը Կալին: Առասպելներն ու զրույցները նրա մոտ որոշ տեղ են գրավում,

⁵¹ A. Kremer, Cult.-gesch., I, 343.

⁵² M. Ghazarian, Armenten... 65-68. Ն. Նալբանդյան, Արաբների հարկային քաղաքականությունը Հայաստանում, ՀՍՍՌ ԳԱ Տեղեկագիր (Հասար. գիտ.), 1934, № 12, էջ 79-84:

⁵³ BGA, V, 290.

⁵⁴ Անդ, 287.

օրինակ, հիշում է նույն քաղաքում գտնվող մի հրաշագործ եկեղեցու մասին և այլն⁵⁵։ Սակայն ամենահատկանշականը նրա մոտ այն է, որ աշխարհագրական տեղեկությունները Հայաստանի մասին, միահյուսվում են պատմական տվյալների հետ։ Այսպես, նա տալիս է արաբական շրջանի Հայաստանի ոստիկանների ամփոփ ցուցակը⁵⁶։

Յակուբիի մոտ ուշագրավ է Արմինիա ոստիկանության եռյակ բաժանումը, փոխանակ ուրիշների մոտ ընդունված քառյակ բաժանման։ Ըստ նրան Արմինիան բաղկացած է հետևյալ մասերից.

«Առաջին մասը (ունի) Դարիլ, Կալի կալա, Խիլաթ, Շիմշաթ և աս-Սաուադ քաղաքները։

Երկրորդ մասը (ունի) Բարդաա, ալ-Բայլական, Կաբալա և ալ-Բար ու ալ-Աբուար քաղաքները։

Երրորդ մասը (ունի) Զուրվան, Թիֆլիս...»⁵⁷։

Այստեղ բաժանումը հստակ կերպով կատարված է ըստ այդ երկրներում ապրող ժողովուրդների, այնպես որ Առաջին մասը հենց Հայաստանն է, երկրորդը՝ Աղվանքը, իսկ երրորդը՝ Վրոքը։ Սա իհարկե շատ բնական էր սպասել մի մատենագրից, որն անձամբ եղել էր Հայաստանում և մոտիկից ճանաչել երկիրը։

Արաբական շրջանի Հայաստանի վիճակը նկարագրող արաբ աշխարհագիրների այս աշխատությունները կարևոր նշանակություն ունեն Ը—Թ դարերի Հայաստանի քաղաքական ու անտեսական կյանքի ուսումնասիրման համար, որովհետև նրանք շատ բաներում լրացնում են հայ մատենագիրների հաղորդած տեղեկությունները այդ նույն ժամանակաշրջանի մասին։

⁵⁵ Անդ., 292։

⁵⁶ Անդ., 292—294։

⁵⁷ СМОМПК, XXXII, 60.